

## ĀLIJI KŌN KATAK KO ILO KALLIMUR MOKTA

Köttōpar ko an katak in:

- Kwaļok bwe aolepen Kallimur Mokta ej katakin kōj kōn aorōken bōtōktōk.
- Kwaļok bwe jermal ko ad remman re ban joļok ad bōd.
- Kwaļok bwe armej rej aikuj juon Ri Lomqor.
- Kwaļok kōn an ro ri Israel bar roļl ñan āne in Israel.

Meļeļe ko reļap ilo katak in:

- Jen lo bwe Anij e jab oktak ilo An plan im karōk ñan lomqor.
- Jen lo bwe ej aikuj wor katqorļok bōtōktōk bwe en wor joļok jerōwiwi.
- Jen lo bwe bōtōktōken Jisōs wōt e maroñ lomqoren kōj.
- Jen lo bwe Anij ear kōjparok kallimur ko An im karqol ri Ju ro ñan āneo.

Unin bwe etto ad katak ilo Kallimur Mokta ej kōnke jej pukot karōk eo an Anij ñan lomqoren armej. Ewor juon wōt iaļ ñan lomqoren armej. Ñe je jab pād ilo iaļ in innām je ban mour indeeo. Jenaaj pād wōt im mej ilo jerōwiwi ko ad. Unin ad katak liktak jān book in Jenesis ej bwe jen meļeļe kōn karōk in e aorōk.

Jar lo ruo meļeļe ko reļap ilo ad katak kōn Kallimur Mokta. Juon - armej re bane kwōjarjar. Ejjeļok armej enaaj wānōk kōn jermal ko an make kōnke je bane kwōjarjar an Anij. Ruo - kōn men in, Anij wōt e maroñ lomqoren im kawānōk kōj.

Meļeļe kein ruo rej ekkejel ilo juon wōt men - Bōtōktōken juon ri pinej jenkwad. Juon eo me ej wānōk joñan wōt Anij (ilo mool, E Anij ilo kanniōk), ear erom jerōwiwi kōn kōj bwe jen maroñ erom wānōk an Anij ilo E kōn tōmak! Ilo bar juon wāween ba, Jisōs ear erom ad ban, im Ear letok an wānōk. Ilo katak in jen āliji kōn waan joñak ko ilo Kallimur Mokta me rej kwaļok kōn Jisōs im mej eo An kōn kōj.

### 1. Kallimur eo kōn Ineen Kōrā



*Jenesis 3:15 Im Inaaj likūt kōjdat ikōtaam im kōrā eo, im ikōtaan ineōm im ineen. Enaaj kōkkure bōram a kwō naaj kōkkure jimwin neen.*

Eoon in ej eoon eo moxtata me ej kōnono kōn lomqor. Ineen kōrā, juon lukkuun armej, Enaaj eñtaan ilo an anjo ioon Jetan. Enaaj kinejneje bwe En anjo ioon jerōwiwi im mej. Ej anjo kōn ta? Bōtōktōk! Ear bōk jikōd im mej kōn kōj. Ear jorrāan, bwe en jorrāan Jetan. Bōtab An jorrāan ear jab joñan wōt jorrāan eo an Jetan. Ear jorrāan jimwin neen. Ijoke, ear jorrāan bōran Jetan. Eoon in ej kwaļok bwe Anij enaaj jilkintok juon me Enaaj anjo ioon Jetan im jerōwiwi. Im ear anjo kōn ta? Ejimwe! Bōtōktōk!




### 2. Nuknuk bōlōk im nuknuk kilen kidu




*Jenesis 3:21 Im Jeova Anij ear kōmman ñan Adam im lio pāleen nuknuk jān kilin kidu, im kanuknuk er.*

Etke Anij ear kōmmane men in? Ta Anij ej dike nuknuk bōlōk ke? Ekwe jen keememej bwe ewor tokjān aolep men ko im Anij ej kōmmani. Jen keememej bwe nuknuk bōlōk an Adam im Iv rej jutak kōn maroñ eo an armej, ak jermal in kanniōk. Raar lōmṅak bwe Anij enaaj bōk er kōn aer ṅooji aer keelwaan. Bōtab emōj aer jerōwiwi, im oṅean jerōwiwi mej. Jermal ko ad remman re ban ṅooji ad jerōwiwi. Jermal ko ad re ban kabuñbūruon Anij. Bwe Anij en kōmman nuknuk ñan erro, Ear aikuj in man juon menninmour. Ear aikuj in toṛ bōtōktōk. Mej eo an juon eo me ejjeḷok ruōn ear pinej jenkwān nana ko an ro me elōñ rueur. Ear libobo aer jerōwiwi kōn ta? Ejimwe! Bōtōktōk.



### 3. Katok ko an Kein im Ebel.



*Jenesis 4:3,4 ..Kein ear bōktok men in joortak ñan Jeova, jān leen āne. Im barāinwōt Ebel ear bōktok jān ko ṅokta im jān ko re mātōk, jān bwijin kidu ko nejin. Im Jeova ear ṅōṅōṅō kake Ebel im joortak eo an.*


Etke Anij ear ṅōṅōṅō kake men in katok eo an Ebel? Kōnke ear toṛ bōtōktōk. Menninmour eo ear mej. Ear juon waan joñak kōn juon ri pinej jenkwad. Bar juon ej aikuj mej kōn kōj. E aikuj toṛ bōtōktōk.

### 4. Ebreān ej katok kōn Aisek.



*Jenesis 22:13 Im Ebreān ear reiḷok, im lo, ālikin, juon sip kōmaan e ḷorak ilo mar kōn doon ko an; im Ebreān ear ilok im bōk sip eo, im katok kake, katok kijeek, pinej jenkwōn nejin.*

Bwe Aisek en to jān lokatok eo, bar juon ear aikuj bōk jikin. Bar juon ear aikuj katōṛ ḷok bōtōktōken make bwe Aisek en mour. Aisek ear mour kōnke juon sip im ejjeḷok ṅotaan ear pinej jenkwān im mej ioon lokatok eo. Juon bar Lamb im ejjeḷok ṅotaan ear pinej jenkwad im mej ioon juon debwāal. Eḷaṅṅe jej oktak jān bōd ko ad im lōke E wōt, je naaj mour indeo.



*1 Piter 1:19 A ear bōtōktōk e aorōk, āinwōt an lamb ejjeḷok ṅotaan im e kwōjarjar, aet eo an Kraist.*

### 5. Anij ej kājoone ri Ju ro kōn An lale bōtōktōken juon lamb.




*Exodus 12:5,7,13 Ami lamb en weppān... Im ren bōk jān bōtōktōkin, im likūt e ioon joor ko ruo in kōjām, im ioon aḷaḷ eo ilōñin kōjām,... Im bōtōktōk eo enaaj juon kakōḷle ioon ṅoko ijo koṃ pād ie, im ñe Ij lo bōtōktōk eo Inaaj kijoone koṃ...*

Anij ear jiroñ ri Ju ro bwe ren man juon lamb me ejjelok notaan (en erreu im weppan) im likut botoktoken na ioon kojam ko. Ke Anij ear lo botoktok eo, Ear kajoone mweo im jab man maanje eo.



*Jon 1:29 Raan eo ilju Jon ej lo Jisos itok nan ippan, im ba, "Lo, Lamb an Anij, Eo ej boklok an laj jerowiwi."*



Ta eo im ear kojparok ri Ju ro jan enjel in mej? Botoktoken lamb eo. Ejjelok bar juon men ear maron in lomorer. Baibol ej jiroñ koj bwe onean jerowiwi mej. Eloñ juon wot men e maron lomoren koj jan jerowiwi im kawanok koj imaan mejan Anij - Botoktoken Jisos Kraist.

## 6. Prij eo elap en kabutuktuki jikin turiamo eo kon botoktok.



*Livitiks 16:14 Im en bok jan botoktokin kau komaan eo, im en kabutuktuk kon juon addiin pein ioon jikin turiamo i reear; im imaan jikin turiamo en kabutuktuk jan botoktok eo kon addiin pein jiljimjuon alen.*

Ta eo ear pad ilo tobtob in Kallimur? Kien ko joñoul. Im aiboojoj eo an Anij ear pad ia? Ioon tobtob eo. Ej melele in bwe Anij ej kallimjek kien ko An aolep iien. E ban meloklok kien ko An im ad rupe kien ko an.

Job make ear ba men in:



*Job 14:17 Emoj sil jerowiwi eo ao ilo juon bojo, im Kwoj lukwoj wot ao jab wanok.*

Anij, ri ekajet eo e wanok im tiljek, E ban meloklok jerowiwi ko ao. Kon men in, won enaaj mour indeeo, bwe onean jerowiwi mej? Ejjelok! Koj ri ban. Botab Baibol ej jiroñ koj bwe mejan tobtob in Kallimur ej jikin turiamo.

Ta eo ej komman bwe Anij en meloklok jerowiwi ko ad? Ta eo ej komman bwe Anij en jab ekajet koj kon ad kakkure kien ko an? Ta eo ej komman bwe Anij en turiamo kake koj? Botoktok!

Botab, ejab botoktok bajjek me ej lomoren koj. Ej botoktoken Jisos Kraist, Nejin Anij! Anij ej turiamo kake koj kon juon wot men: botoktoken Jisos Kraist. Ej lomoren koj nan indeeo kon juon wot men: botoktoken Jisos. Ej kawanok koj im letok wanok an Anij kon juon wot men: botoktoken Irooj Jisos Kraist.




*Rom 3:24,25 Kowanok er, im ejjelok onean, ilo An jouj, kon men in wiaik eo ej ilo Kraist Jisos, eo Anij ear kwalok E bwe En kein medek, kon tomak ilo botoktokin...*

Eloñ katak ilo Kallimur Mokta rej katakin koj bwe koj ri nana im ri ban, im botoktoken Ri Lomorer eo wot e maron lomoren koj.

## 7. Ro ri jipokwe raar roltok jan Babilon.

✳ **Anij e jouj im emman, im E jab oktak.**

Ālikin elōñ iiō, ro ri Juda me raar pād ilo Babilon raar roḷtok ñan āne in Israel. Book in Ezra ej kwaḷok kōn an jet iaan arnej ro bar itok im kalōk tempel eo. Book in Nihimaia ej kwaḷok kōn bar jet me raar roḷ ñan Israel im kalōk oror ko an Jerusalem. Anij ear likūt ilo būruon kiiñ ro (kiiñ in Persia) bwe ren likūt bwe ro ri Israel ren roḷ. Anij e kajoor, im E maroñ kōmman jabdewōt men E kōnaan.



Ri Ju ro raar kabuñ ñan Jeova, meñe elōñ iaer raar jab kabuñ jān būrueir.

Kōn aer mijak ñe ab ren bar etal im jipokwe, raar kōmman elōñ mōn kweilok ñan aer jar. Raar na etan men kein, synagogue, im ñan rainin, elōñ synagogue an ri Ju ipeḷaakin laḷ in. Kar mokta, ear wor juon wōt tempel. Mōn kweilok kein raar jab bōk jikin tempel eo. Raar katok ilo tempel eo wōt. Bōtab ilo aolep jikin kweilok, mōn kweilok kein raar jikin an arnej jar im katak ilo aolep Jabōt (Jādede).

Ke ro ri Ju raar roḷtok ñan āneo, raar pād iumwin ro ri Persia. Ear ejjeḷok aer kiiñ jān iien eo im etal. Ālikin Persia, aelōñ in Gris ear irooj ioer, innām aelōñ in Rom. Anij ear jab likūt bwe ro ri Israel ren anemkwōj kōnke arnej ro raar jab tiljek ñan Anij. Raar kōmman nana ñan doon im mour ñan er make meñe raar katok wōt im jar aolep Jabōt. Aer jar ear men in iminene wōt, im ear jab kabuñbūruon Anij.

Ear wor jet arnej me raar errā ippān Anij bwe er ri nana im ban. Raar būromōj kōn aer nana, im raar tōmak bwe Anij enaaj jilkintok Ri Lomōor eo bwe En mej kōn er.

---

Kajjitōk ko

1. Erri meḷeḷe ko reḷap im jej loi ilo Kallimur Mokta?
2. Anij ear pepe bwe En lomōoren kōj kōn ta?
3. Ewi wāween an Kallimur Mokta katakin kōj kōn men in?
4. Ewi waan joñak eo moktata?
5. Elmān an men in waan joñak kōn lomōor?
6. Ewi waan joñak eo kein ka ruo?
7. Ta meḷeḷe in men in?
8. Ewi nuknuk eo im Anij ear joḷoke kōn an jab emman?
9. Etke ear jab emman men in katok an Kein?
10. Ta eo ear pinej jenkwān Isaak bwe en maroñ in to jān lokatok eo?
11. Wōn ej Lamb eo me ej pinej jenkwāad bwe jen jab mej im jako?
12. Ta eo im ear kōjparok ri Ju ro jān enjeḷ in mej?
13. Etan box eo me ear pād ilowaan Jikin Kwōjarjar otem Kwōjarjar?
14. Ta eo ear pād ilowaan box eo?

15. Ta eo ear pād ioon box eo aolep iien?
16. Men in ej waan joñak kōn ta?
17. Etan mejān box eo?
18. Pris eo eļap ear kabūtūktūke mejān box in kōn ta?
19. Men in ej waan joñak kōn ta?
20. Book in Ezra ej bwebwenato kōn ta?
21. Ke ro ri Israel raar roļ nian āneo, raar kōmman jet mōn kweiloq, ak emman ke aer jar nian Anij?